

ՍՏԵՓԱՆԱՎԱՆ  
ՄՇԱԿՈՒՅԹԻ ՈԼՈՐՏ

Ստեփանավան համայնքում պետական, մշակութային քաղաքականությունն իրականացվում է Մշակույթի պալատի, Արվեստի դպրոցի և Կենտրոնական գրադարանի միջոցով: Համայնքի ղեկավարը կազմակերպում և կառավարում է դրանց գործունեությունը, իրականացնում դրանց շահագործման և նորոգման աշխատանքները:

**Մշակույթի պալատում** գործում է գեղարվեստական և ուսուցողական 9 խումբ՝ 147 երեխայով, բացի այդ այլ ծրագրերով գործում է 6 խումբ՝ 95 մասնակցով: Ստեղծագործական անձնակազմը բաղկացած է 10 հաստիքից: 2015թ. մշակույթի պալատում մեծ շուքով բացվեց ստեփանավանցի քանդակագործ, նկարիչ Սահակ Սահակյանի անվան թանգարանը, որտեղ իրենց արժանի տեղը գրավեցին 82 քանդակ և 41 նկար: 2016թ. նորոգվել են մշակույթի պալատի տարածքի նստարանները, շենքի ներսում կատարվել են կոսմետիկ վերանորոգումներ:

**Արվեստի դպրոցում** սովորում են 318 աշակերտ, մանկավարժները 31-ն են: Արվեստի դպրոցը տեղակայված է մշակույթի պալատի հետ համատեղ, առանձին մուտքով: Շենքը ձմռանը ջեռուցվում է և ոչինչ չի խաթարում երեխաների մշակութային կրթությանը և գեղագիտական դաստիարակությանը: Արվեստի դպրոցը հագեցված է երաժշտական գործիքներով և գրականությամբ: Գործում է նաև կերպարվեստի խմբակ: Դպրոցը բազմաթիվ միջազգային փառատոների մասնակից է և զբաղեցրել է առաջնակարգ տեղեր:

2016թ. ընթացքում **կենտրոնական գրադարանի** շենքային պայմանների բարելավման նպատակով կազմակերպվել է վերանորոգում, տանիքի նորոգում, էլեկտրալարերի փոխում, կոյուղագծերի հիմնանորոգում, գրադարակների վերանորոգում, ներկում: Գրադարանի հավատարմագրմանը զուգահեռ ամբողջությամբ փոխվեց գրադարանի կահույքը, համակարգչային տեխնիկան: Ծրագրի շրջանակներում ձեռք է բերվել նոր տպագրված գրականություն: Կենտրոնական գրադարան է հաճախում 2765 ընթերցող, աշխատակազմը՝ 8 հոգի:

Որպես պետության կողմից պատվիրակված լիազորություն՝ քաղաքապետարանը կազմակերպում է մասսայական միջոցառումներ Հայաստանի Հանրապետության պետական տոների՝ Անկախության, Հանրապետության, Խաղաղության և հաղթանակի, Ազգային բանակի օրերի կապակցությամբ, ինչպես նաև Եղեռնի ու Երկրաշարժի զոհերի հիշատակության օրեր: Բացի վերը նշվածը, հաճախակի կազմակերպվում են մեծարման երեկոներ, նոր գրքերի քննարկումներ, հետաքրքիր հանդիպումներ անվանի մարդկանց հետ, ինչպես նաև ժամանցային միջոցառումներ:

Նպատակասլաց աշխատանք է կատարվում համայնքի տարածքում գտնվող պատմամշակութային հուշարձանների պահպանության նպատակով: Պատմության և մշակույթի անշարժ հուշարձանների և հուշարձանախմբերի պետական ցանկում ներառված 32 հուշարձանից զատ, քաղաքապետարանն աջակցություն է իրականացնում նաև համայնքային նշանակության հուշարձանների պահպանմանը: Մշտապես իրականացվում է նրանց տարածքների սանիտարական մաքրումներ և ընթացիկ բարեկարգումներ քաղաքի ուսումնական հաստատությունների և այլ կազմակերպությունների միջոցով: Սեփական միջոցներով ամրացվել, նորոգվել, բարեկարգվել և ծաղկապատվել են Սուրբ Սարգիս և Ամենափրկիչ եկեղեցիները, Ս. Շահումյանի, Անհայտ զինվորի, Հայրենական Մեծ պատերազմի

գրիվաճնների հուշարձան-աղբյուրը (1943թ.): 2014թ. քաղաքային զբոսայգում տեղադրվեց ԽՍՍՀ վաստակավոր դերասան Սոս Սարգսյանի հուշարձանը, 2015թ. եղեռնի 100-ամյակի կապակցությամբ «Դեսին» պուրակում տեղադրվեց խաչքար, ինչպես նաև քանդակագործ Գրիգոր Մանուկյանի մոնումենտալ «Խաչպար» արձանը, կենտրոնական գրադարանի տարածքում 2016թ.-ին տեղադրվեց ստեփանավանցի հայ գրող, թարգմանիչ, խմբագիր Վարոս Հովակիմյանի հուշաքարը:

Քաղաքապետարանը մշտական ուշադրություն է դարձնում ժող. ստեղծագործունեության և գեղարվեստական ինքնագործունեության, ազգային արհեստների պահպանմանն ու զարգացմանը:

Քաղաքի ստեղծագործողները հաշվառված են մշակույթի բաժնում: Հատկապես ուշադրության են արժանանում քիչ պահպանված արվեստ-արհեստները, ինչպիսիք են՝ մանրանկարչությունը, փայտի գեղարվեստական մշակումը, ազգագրական պարը, երաժշտական նվագարաններից՝ դուդուկը, սանթուրը, ուղը: Դրանց զարգացման ուղղությամբ նկատելի աշխատանք են կատարում արվեստի դպրոցը, մշակույթի պալատը:

Քաղաքապետի կողմից մշտապես խրախուսվում են ցուցահանդեսի մասնակից վարպետները և ինքնուստեղծագործողները:

Քաղաքապետարանի համապատասխան բաժնում յուրաքանչյուր կազմակերպության համար ստեղծված են առանձին թղթապանակներ (անձնագրեր), որտեղ հավաքագրված են նրանց գործառույթները բնութագրող փաստաթղթերը: Ձևաթղթերը մշակվել և նրանց հավաստիությունը ճշտվում է համապատասխան մասնագետների կողմից: Թղթապանակներում հավաքագրված են՝

- Արտադպրոցական և նախադպրոցական ուսումնական հաստատության դրույքային վարձաչափերի մատյանները (տարիֆիկացիոն),
- ամենամյա և ընթացիկ հաշվետվությունները,
- կանոնադրությունները,
- աշխատանքային ծրագրերը:

Ստեփանավանի քաղաքապետարանը սահմանված կարգով որոշ աշխատանք է կատարել բնակավայրի պատմամշակութային հիմնավորման նախագիծը կազմելու ուղղությամբ: Ստեփանավան համայնքի գլխավոր հատակագծում առանձին նշվել են «Չեչմանիս» բնակատեղին, «Սրբ. Սարգիս» եկեղեցին, Ստեփան Շահումյանի հուշահամալիրը՝ իրենց պահպանական գոտիներով, իսկ մնացած հուշարձանների մասին չկան հստակ նախագծեր:

Ստեփանավանի քաղաքապետարանը «Պատմության և մշակույթի անշարժ հուշարձանների ու պատմական միջավայրի պահպանության և օգտագործման մասին» Հայաստանի Հանրապետության օրենքի համաձայն աջակցել և աջակցում է քաղաքի տարածքում գտնվող հուշարձանների պահպանության գործին: Քաղաքապետարանի միջոցներով ցանկապատվել է «Չեչմանիսի» բնակատեղի պահպանական գոտին, բարեկարգման աշխատանքներ է իրականացվել մյուս հուշարձանների տարածքում:

Որոշ աշխատանքներ են տարվել տեղական նշանակության հուշարձանների ամրակայման, նորոգման, վերանորոգման և տարածքի բարեկարգման ուղղությամբ:

Հայաստանի Հանրապետության Լոռու մարզի Ստեփանավան քաղաքի վարչական տարածքում գտնվող Հանրապետական նշանակության հուշարձանների նկատմամբ

պետության կողմից լիազորություններ չեն պատվիրվել: Բարեկարգման և կանաչապատման աշխատանքներ է իրականացվել նաև Հայրենական Մեծ պատերազմի զոհերի հուշադրյուրի, Անհայտ զինվորի հուշարձանի, Երկրաշարժի զոհերի խաչքարի, Եղեռնի զոհերի խաչքարի տարածքում:

Ստեփանավան քաղաքի վարչական տարածքում շինարարական, գյուղատնտեսական և այլ աշխատանքների կատարման ժամանակ հուշարձաններ չեն հայտնաբերվել:

Հուշարձանների պահպանության և օգտագործման բնագավառում տեղական ինքնակառավարման մարմինը օգտագործման կամ վարձակալության հանձնված համայնքի սեփականություն համարվող հուշարձան շենքեր և շինություններ չունի:

Հուշարձանների պահպանության և օգտագործման բնագավառում Ստեփանավանի քաղաքապետարանի կողմից վերջին 10 տարիներին ապահովվում է համայնքի տարածքում գտնվող հուշարձանների պահպանական գոտիներում սահմանված հատուկ ռեժիմի պահանջների կատարումը:

Ստեփանավանի քաղաքապետարանի կողմից հուշարձանի պահպանական գոտում հողի, համայնքի սեփականություն համարվող հուշարձան-շենքերի և շինությունների վարձակալությամբ տրամադրելու կամ սեփականության կարգով վաճառքի դեպքեր չկան, ուստի օգտագործողների հետ հուշարձանների պահպանության պայմանագրերի կամ պարտավորագրերի կնքման անհրաժեշտություն չկա:

Տեղեկույթը՝ Մհեր Մելիքյանի  
24.02.2017թ.